

近代中國史料叢刊第五十七輯
沈雲龍主編

黔南職方紀略

羅繞典輯

文海出版社
印行

黔南職方紀略

黔南職方
紀畧

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



黔南職方
紀畧

黔南職方紀略目錄

卷一

貴陽府 安順府

卷二

興義府 普安直隸廳

卷三

大定府

卷四

遵義府 仁懷直隸廳

卷五

都勻府 平越直隸州

卷六

黎平府 鎮遠府 思州府 石阡思南二府

銅仁府 松桃直隸廳

卷七

土司上

卷八

土司下

卷九

苗蠻

錄曰禹貢紀地之書九州之末繫之以錫土姓書序云帝釐下土方設居方別生分類作汨作九共說者謂別生卽別姓九共卽九邱志九州之書周官職方紀九土之山川澤浸亦及於民人男女之多寡常道將之誤華陽國志郡縣之下各著其大姓暨蠻夷種落誠以先王度地居民必地邑民居交相得而志地之書亦必土地與人民交載也由是言之則紀民人者志地不易之準則而余以爲於志黔尤宜何則黔居西南介楚蜀滇粵據南條之脊地高寒而瘠薄賦稅所入不足以供官廉兵餉唐宋常棄之而不顧誠

不欲煩內地以事遐方也然王者無外必利其租賦而始撫其民人則有利之之心存而示天下以狹小諸所爲國政亦必日就薄弱而不足以自存此天寶以後境土所以日蹙而終宋之世不得一振也或曰唐宋之世黔南之地爲羈縻爲化外咸自有君長各安其國俗奚待天子之撫存分爲郡縣治以流官而後其民舉安也此其說又不然人之囿於一隅也而異俗以生焉故其俗鄙陋有傷於教必督之以長官徙五方之民以觀感之始日就於平正通達之途而無所固蔽春秋之末牂柯常不通中國矣而莊蹻以

楚民楚俗化之百餘年卽有盛覽能詞賦追隨乎園
令唐蒙之開南夷也徙蜀中龍傅尹賈諸大姓於牂
柯於是牂柯遂同蜀俗久之而尹道真諸人出焉彬
彬乎汝潁士大夫之學術矣厥後謝氏趙氏世篤忠
貞保有牂柯爲國家藩扞亦云盛矣天寶以後棄而
不問南中遂寂無人物元明再闢以來又復日新月
盛豈眞際會爲之烏江赤水之鄉周衰而漢盛唐宋
薄而元明敦邪實守土之吏與夫五方之士夫所以
感化遵率者異而俗因以有淳漓耳夫如是則漢晉
之置吏與唐宋之閉關其仁憇不待智者而決矣故

曰爲會計計不有黔可也爲人才計黔故可臻淳懿之鄉卽不有黔內地之人才未必不足也爲王者之仁覆無外不使一隅終處於汶闇計則黔不可不有也我

國家之盡力於黔也重科舉以進其良士肆翦伐以除其頑苗置守令以扶其教化宿重兵以弭其覬覦數政舉而費已不貲然不以其不貲而恣置則

帝澤之溥也僻壤輒生不知天下之大勢且曰有黔所以通滇不知滇黔之情形等於黔無利者於滇乎復何有哉試舉歲計而核之居可知矣故開黔者

聖王無外之盛心而非利其土地也司馬子長造謗史謂漢世宗因蒟醬却杖而開諸郡噫甚矣其謔也夫開黔則必設吏設吏則必來五方之民此其相因之勢有固然者來五方之民有善必有莠有醇必有薄有勤必有逸不能以有莠而并絕善以有薄而兼拒醇以有逸而概斥勤則度地居民之政於黔爲急務審矣我

皇上統馭之初中丞長白嵩曼士先生奏請編管通省客戶備有成籍余承宣於斯蓋三年矣一日出故府所藏得而讀之見其考據往古鈎稽見在具有本末因

芟削爲是書惟遵義思州仁懷爲未備蓋吏失其冊也又求府廳諸志爲補遺佚末傳之以土司苗蠻書雖無多而十二府三廳一州之土地人民咸有其梗概官斯土者常披覽而賅存之未必不有補於吏治也書成因述其顛末如此道光二十又七年十又二月丁未安化羅繞典

黔南職方紀略卷一

貴州布政使安化羅繞典輯

貴陽府

貴陽府在漢爲西南夷爲牂柯國爲牂柯郡唐爲牂州爲柯州爲南甯州皆羈縻州也宋開寶間爲大萬谷樂總管府爲八番元至元間設順元路宣慰司隸潭州行省授諸番爲八番安撫司改金竹寨爲金竹府置乖西軍民府貴州等處長官司俱聽宣慰司節制而貴州之名始見明洪武間夷長密定等內附置金竹長官司尋陞安撫司順元宣慰使雷翠與同知

宋蒙古歹歸附置貴州宣慰司設使及同知又置貴州衛貴州都指揮司其時貴州宣慰司領長官司二十三金竹安撫司領長官司四俱隸四川布政司又置貴州前衛併龍里新添等衛俱隸都指揮司永樂十一年設貴州布政司於貴州宣慰司治十八年設貴州按察司隆慶二年改程番府爲貴陽府移治布政司治所遂爲省會萬歷間設定番州於舊程番府以貴筑長官司治新貴縣附郭以貴陽爲軍民府以金竹安撫司置廣順州崇禎間削宣慰司安氏水外六目地置敷勇衛及修文濯靈息烽於襄四所以副

宣慰宋氏乖西地置開州康熙三年水西平裁宣慰
司所領長官司皆歸府轄十一年改龍里衛爲縣二
十六年改貴州衛貴州前衛爲貴筑縣改敷勇並修
文等四所爲修文縣貴陽府裁軍民字樣三十四年
省新貴入貴筑縣雍正四年平定廣狃苗移貴陽同
知駐長寨分定廣兩州新闢地屬之建置大概如此
今領縣四附郭貴筑東五十里爲龍里百一十里爲
貴定北五十里爲修文領州三府南一百里爲定番
西少南一百十里爲廣順東一百二十里爲開州分
防同知一西南一百七十里爲長寨廳郡治居十二

府之中南據興義與永豐州界西聯安順與清鎮縣
界北接遵義與遵義縣界東倚都勻平越與麻哈州
清潭縣界山脈自西來至定番而分爲南北兩枝其
南幹迤而東南由都勻八寨古州至黎平以入楚粵
閩越其北幹迤而東北歷安平清鎮至老鴉關折而
南結爲省治其水則南明河繞於東南陸廣麻線諸
河環於西北皆歸烏江以入蜀惟定番州之蒙潭爲
濛江之源入破蠶過泗城達番禺以入南海龍里貴
定之間有甕城河則又爲郡城下游之水流至巖門
以入烏江者也其他如水外六目之地因水西地居

陸廣鵬池諸河之西安氏以爲內地六目地居河東南故名水外雍正間設長寨廳乾隆二年又分定番州地設大塘州判乾隆十五年撥貞豐州羅斛州判地隸定番州而府屬形勢益增完固惟大塘之南境與羅斛之東境皆直抵粵西泗城府凌雲縣及天峩分縣並南丹那地兩土州各境爲府屬邊隅之地實苗蠻叢集之區長寨未設廳時定廣狃苗阿近阿卧等勾結劫掠於前阿搗阿撈等聚眾抗拒於後蓋府境谷隆關散蘇寨等處內結安順之十三枝普定之五枝外通粵西獐獠恃險負隅實爲盜藪故屢致盜

勤也今則聲明文物日盛月新其昔日凶頑強悍之風有不可以同日語矣 貴陽府親轄地明初卽設爲省治迄今五百餘年矣蓋自元設元帥府以來徵調各省成兵軍實斯土明因之改設衛所分授田土作爲屯軍並設都指揮使以統率之於是江廣楚蜀貿易客民輻擊有摩糴賤販貴相因至集置產成家者今日皆成土著城以外地自唐宋以來多爲土司所有雍正七年因土權疊害大加裁抑於是革中曹副司劉姓之職其存者尙有有印長官司中曹正謝姓養龍長官司蔡姓並無印長官司白納正周姓白

納副趙姓虎墜司宋姓五司後虎墜旋革補設青巖
土千總班姓管轄苗民與中曹正副白納正副皆聚
處一隅名四司里自是苗民各安耕鑿一切催輸緝
捕之責皆經差役鄉約而土司遂無權矣四司與巴
鄉養龍麥西水邊蔡家關共六里爲貴陽親轄之地
惟養龍地方在府治之北遠越修文界聯遵義距府
三程極爲寫遠其民皆漢多苗少統計六里有苗產
客民一千零三十一戶貿易手藝傭工並無苗產客
民三百一十二戶共客民一千三百四十三戶 貴
筑地處府屬親轄六里之中所管之里計十有七由

貴州貴前兩衛改者其里九捕屬紅邊光明王潘南
隅西隅穀上穀下官莊由新貴裁歸者其里八東南
西北各分上下而劄佐巡檢一員卽駐於舊劄佐長
官司地今爲南上里地新貴八里悉係土著漢民並
無苗戶由衛所改之九里本係明代屯田漢多苗少
情形與府屬等統計九里內有苗產客民六百三十
戶貿易手藝傭工並無苗產客民四百九十八戶共
客民一千一百二十八戶 定番州卽元至元時兩
准招討司經歷劉繼昌招降之八番安撫司明時之
程番府地幅頓最爲廣闊今州屬尙領土司二十一

內卧龍小龍方番盧番金石木瓜正上馬橋正七司
皆長官由部承襲頒給印信號紙程番章番羅番大
龍小程麻嚮木瓜副七司皆長官由部承襲頒給號
紙無印信其已廢之洪番上馬橋副兩長官司今皆
由外給委土千總廬山牛路木官大華正副五司亦
由外給委土舍而廬山司廬寶善嘉慶二年帶領鄉
勇有功賞給土守備銜此外尚有從程番方番章番
洪番牛路各司撥出之寨名曰歸州寨爲州屬親轄
之地州屬苗多漢少苗自狃苗青苗白苗三種以外
又有谷蘭苗八番老戶然皆薙髮改裝與漢俗同且

向化既久日臻帖服近城四十里一望平坦田畝甚多盧番大華正兩司各寨悉係苗民並無漢戶洪番司並無苗寨計一十八司並歸州各寨買當苗產客民七百五十七戶貿易手藝傭工並無苗產客民三百九十一戶住居城廂內外並各司場市置買苗產不填丁口客民一百七十戶其客民一千三百一十八戶 羅斛州判雍正五年置隸貞豐州割自粵西泗城土府以紅水江爲界乾隆十五年因道路紆迴郵遞不便改屬定番州其南及東南悉界粵西東接都勻府屬之平州司西北抵安順府屬之歸化廳地

居州治之西南由州判治東北行經羅路塘以達州境之木星箐爲入州要道山勢稍平處間有田畝其高原廣種木棉較植稻梁獲利加倍苗民善於圖利是以種土客民甚少卽附寨客民亦甚寥寥所管地方計九甲半分爲六十一亭三壘四村每甲多至十餘亭少亦三四亭每亭有五六寨者有一二十寨者各亭皆設亭目一名三壘有壘目四村有村目皆係黃王兩姓沿襲乾隆三十七年準由外襲委土千總八名土外委二名嘉慶二年加土守備一名土千總五名土把總四名與貴州制相同亭目之下又有

把事頭人其各場市別設保長鄉約以資彈壓田無
頃畝賦無科則徵收之法按照土府舊制每亭約納
丁銀若干秋糧若干其田舊有站田夫田亭目田把
事田糧田諸名目今則陋規盡革名號猶存其苗有
名補穠者有名青苗者習尚相同男服漢裝女仍苗
制風俗亦稱淳樸境內計買當租種客民二百五十
八戶貿易手藝傭工並無苗產客民二百四十一戶
住居本城買當苗產不填丁口客民四十三戶共客
民五百四十二戶 大塘州判設自乾隆二年分州
屬之廬番韋番程番羅番臥龍小龍上馬橋各司並

都勻府屬之丹平丹行二司上中下克度三里通州
降隆二里之地是以東南一面直接都勻府屬之牙
舟司南界粵西東接貴陽西北兩面悉環州境境土
狹小不及羅斛之半其苗類俗尙與定番同境內計
買當佃種苗產客民六百六十五戶貿易手藝傭工
並無苗產客民一百七十一戶住居城市買當苗產
不填丁口客民二十九戶共客民八百六十五戶
廣順州在元時爲金竹府及古瓊縣明初夷長密定
內附陞爲安撫司世襲正統間始改姓金萬歷四十
年安撫土舍金大章獻土歸流始建治改置流官授

大章土知州予四品服準子孫承襲後遂隸州於府
編里十編枝十八康熙元年削土官金湯立服色土
知州職五十五年長寨枝苗滋事移同知設廳於長
寨遂撥紀堵等七枝歸廳管轄復撥板當枝隸歸化
廳轄今尙存來格從仁久安長治首善歸德維新忠
順太平來遠十里松崗改雅擺塘猛猖梭把開弄歸
善穀增潮井雞場十枝梭把以下六枝向係苗民並
無漢戶嘉慶間始有遵義及各省客民住種其地州
境南抵定番北抵安平西倚長寨東界青巖青巖爲
貴陽定番兩屬交接之處十里皆界聯貴陽定番十

枝悉環衛長寨州屬苗種甚多自青苗白
猪狝家以外尙有紫薑骨裏克孟牯羊文
娃然皆服田力穡各安本分客籍頗多論
人科第文名甲於各屬是以苗風日易治
內計買當租種苗產客民一千六百八十
手藝傭工並無苗產客民二百七十一元
買當苗產不填丁口客民四十六戶其安
長寨廳蕞爾彈丸圍列崇山僅近城郭
夙昔苗眾多事之時以羊壘爲城郭以金
遂至逞志妄爲歸流而後移駐重兵設

由府至廳經定番爲大道谷隆一關泥丸可塞洵府屬至要之區今所轄僅九枝上四枝之者貢長寨擺儉谷隆下四枝之紀堵牯羊板蟲七枝皆自廣順撥屬忠順一枝自定番撥屬生苗一枝則自歸化廳撥來者也廳屬雖苗多於漢然而其地內聯定廣外衛以大塘羅斛已成苗疆中腹地統計買當佃種客民二百三十四戶貿易手藝傭工並無苗產客民八十四戶住居城市買當苗產不填丁口客民二十二戶共客民三百四十戶 開州明洪武間爲水西宣慰宋氏十二馬頭地水西蠻叛征南將軍顧成討平之

永樂七年以其地改屬長甯衛後仍爲安氏所據崇
禎四年始改設州地居修文貴筑遵義平越之中今
分里十曰恥里其附郭者也曰孝曰忠曰信曰廉中
隔洗泥河爲上五里曰弟曰義曰思曰親爲下四里
卜里悉係長甯衛舊屯地並無苗戶苗產惟有土司
二一曰乖西正長官楊氏所轄八排以落旺江爲界
分爲江內四排江外四排一曰乖西副長官劉氏所
轄四排界居恥清二里之間兩土司所管地方亦皆
編入十里之內曰思里雖閒有苗民俱係客民佃戶
且其地歸流旣久漢多於苗境內本無苗產 龍里

縣卽龍里衛所改與貴定地皆居下游驛道之衝舊
有龍里羊場大小谷龍四長官司今皆裁革僅存羊
場大谷龍土千總二名龍里小谷龍土把總二名龍
里一司分上下二排其外又有不歸土司管轄之東
南西北四鄉東苗一里總四司四鄉一里地方狹小
又復逼近省垣漢多於苗計買當苗產客民五百四
十戶住居城市買當苗產不填丁口客民二十六戶
在寨傭工並無苗產客民十二戶共客民五百七十
八戶 貴定縣卽新添衛所改舊轄四長官司平伐
與大小平伐三司有印信新添司無印歸流日久漢

多於苗土司無權與龍里等道里表延倍於龍里今
四司之外尙有東排西排二土弁又別有不歸土司
轄之東西南北縣屬五鄉總四司二土弁五鄉統計
買當佃種苗產客民八百二十八戶貿易手藝傭工
並無苗產客民二百八十一戶住居場市買當苗產
不填丁口客民二十八戶共客民一千一百三十七
戶 修文縣地居大定遵義之間本數勇衛四所之
地今改爲至孝仁和信順崇義四里每里分爲八甲
甲內悉爲漢寨昔日尙有底寨正副兩長官司所轄
之零星散處苗民今日皆爲漢民佃戶久已編入漢

民戶口 合計貴陽府八屬有產無產並住居城市
鄉場有產不填丁口各密民共九千二百五十一戶
安順府

安順府昔爲安順州明萬歷二十年陞州爲軍民府
康熙二十六年始裁軍民字樣其未設府以前秦屬
夜郎地漢屬牂柯郡唐爲戎州都督府羈縻盤州及
羅甸國地宋爲普里部元初始內附置普定府又置
習安鎮甯永甯三州後又置羅甸宣慰司隸湖南省
復隸雲南尋廢大德間改普定府爲路明洪武間仍
改路爲府築城於今城東二十里隸四川布政司尋